

Sra. Tecla Kelly, presidente di SAC

Tur lider di grupo mester percursa pa nan ta na ora ya cu parada lo sali cu of sin Reina

ORANJESTAD- Aruba e aña aki ta celebrando su di 60 aña di Carnaval. Y ta custumber cu tur aniversario bo ta haya mas grupo ta bin acerca cu tambe lo forma parti di Aruba su carnaval. Sra. Tecla Kelly, den su calidad como presidente di SAC a informa riba tur loke ta e cambionan y reglamentonan cu ta conta pa tur hende cu ta tuma parti na Aruba su carnaval.

NUMERACION DI GRUPO

Segun Sra. Kelly, tur grupo lo haya un number, y di parti di mucha tambe ta hende grandi ta e lidernan. Nan mester zorg pa nan informa nan participantenan pa nan ta na ora. asina tambe ta cuminsa stel op na ora, y e parada di carnaval tambe ta sali na ora. Te custumber caba cu bo ta haya participantenan cu ta yega laat y ta cana den parada pa yega na nan respectivo grupo. P'esey mes ta haci apelacion na tur participante pa ta na tempo. Kisas ta zona duro, pero esun cu yega laat lo mester bay full patras.

CARNAVAL TA SALI CU OF SIN REINA

Si e parada ta sali 10'or, pa 8'or tur hende mester t'ey. Hopi biah e reina mes no t'ey. Y Carnaval ta sigui, cu reina of sin reina. Ora di tira lot cu e gruponan, tur lo sa ki ora nan mester sali. Tur biah e tres prome gruponan dilanti, ta reserva pa e Reina di Carnaval, Reina Hubenil y e Sra. Carnaval. Tur e numbernan ta schuif op. Hopi biah ta haci peticion pa e reina ta trempa. Ta compromete cu e Reina di Carnaval mester ta presentabel, pero pa ta na

ora, ta keda su responsabilidad. Carnaval ta Sali cu of sin Reina. Es decir, cu e parada ta sali, aunque cu e Reina t'ey of e no t'ey.

GRUPONAN ACTIVO

Durante aña caba por a sinti cu gruponan tabata activo. Un grupo cu a habri su inscripcion tempran, tabata Los Losa Bai. Pero esaki ta un di e prome gruponan cu ta yena tur su cuponan tambe. Hopi biah Los Losa Bai ta bolbe habri inscripcion, pero cu cuponan limita. Desde e aña aki caba e gruponan a cuminsa prepara y Los Losa Bai a hasta pone 100 cupo extra cual tur a bay caba.

GRUPONAN DI EXTERIOR

Tambe sra. Kelly a informa, cu e aña aki e interes ta grandi y ta muestra di lo ta mas grandi cu Carnaval 50. Te cu awor tin 13 grupo pa aduhtonan y 8 grupo pa muchanan registra. Tambe lo tin un grupo di Boneiro, Surinam, Corsow, St Maarten, Venezuela y Hulanda cu lo participa den Aruba su carnaval lo bin varios gruponan di exterior, e.o. lo bin gruponan di Bonaire, Hulanda, Surinam, Corsou, St. Maarten y Venezuela. Apenas aña a habri y ya caba tin 13 grupo inscribi pa locual ta trata Carnaval 60. E grupo di Venezuela, lo ta un "marching band", cual antes tabata custumber cu nan tabata bin tur aña pa participa den Aruba su Carnaval.

PROME EVENTO

E prome evento mester a tuma luga ayera, pero el a wordo posponi pa dia 10, cual ta bay ta Cende e Mecha. E biah aki ta toca San

Nicolas pa trece e ambiente. E evento aki lo ta un jump in, den parkeerplaats di Arubus. Akinan esunnan cu ta interesa ainda, lo tin chens tambe di inscribi pa locual ta trata participacion den Fakkkel.

PAKICO CAMBIO DI FECHA

Sra. Tecla Kelly, presidente di Stichting Arubaanse Carnaval, a bisa cu pesar cu e cambio aki lo ta uno pa miho. E cambio aki ta un mehoracion cu despues di 60 aña di para dilanti Bestuurskantoor, lo mester bin cu innovacion den nos carnaval.

TRASPASO DI MANDO
Ta bay tin otro cambio den custumber. Traspaso di mando lo no tuma luga mas manera antes, unda cu ta pasa mando na Prins & Pancho e mainta prome cu parada di mucha di San Nicolas. E parada di mucha si lo sigui na su ora normal. Lo haci algo otro e biah aki, unda cu lo Sali cu e prins & pancho for di Bestuurskantoor, y lo haci esaki un anochi diferente. E anochi aki lo honra algun baluarte di Carnaval, y esaki lo bay den forma di un recepcion. E lo ta bay a base di invitacion, y Minister president lo haci traspaso di mando e anochi ey. Esaki lo tuma luga dia 5 di februari.

Esaki kiermen cu e parada



por ranca sali na ora, sin cu mester warda riba e Prins & Pancho of e Reina Infantil pa cu e carnaval por start na ora. Tur cambio cu bin lo tuma tempo pa e pueblo custuma cun'e, pero SAC ta kere cu e cambio aki lo ta uno pa miho. E cambio aki ta un mehoracion cu despues di 60 aña di para dilanti Bestuurskantoor, lo mester bin cu innovacion den nos carnaval.

ORARIO PA PARADA DI CARNAVAL

Pa loka ta trata e orario pa paradanan di Carnaval, Sra. Kelly a splica tambe cu lo tin cierto cambionan di ruta y reglanan cu polis lo aplica durante e temporada di Carnaval. Dia 16 di Februari ta Parada di Mucha di San Nicolas lo start sali for di Lago Sport Park, Caya Dick Cooper, Caya Captain Roger, Lago Weg, Bernardstraat, Vuylstekestraat y caba na Lago Sport Park. Mes- ter bisa cu Jouvert Morning lo ta dia 1 di Maart y lo ta e mesun ruta cu e Parada Grandi y lo cuminsa pa 3or

di marduga. Pa loka ta Parada Grandi di San Nicolas e ruta lo ta Lago Sport Park, Caya Dick Cooper, Caya Captain Roger, Lago Weg, Bernardstraat, Dr Schaepmannstraat, Weg Fontein, lora bin zuid bek, Pastoor Hendrikstraat y caba na Lago Sport Park. Di e forma aki ta trata di evita cu e cabes cu e rabo di parada ta topa otro. Parada lo cuminsa pa 12 or di merdia. Esaki ta conta tanto na Playa como San Nicolas.

Carnaval di na Playa tambe lo conoce su cambionan. Parada di Mucha na Playa ta 23 di februari y ta cuminsa na Guillermo Trinidad, Fergusonstraat, Vondellaan, Ronde Las Americas, L.G. Smith Boulevard, Adriaan Lacle Boulevard, Elmar bay ariba bek y caba na Guillermo Trinidad. Parada Grandi e ruta a keda mescos cu aña pasa cu excepcion cu na DOW lo sigui bay straight about. Tambe lo cuminsa na Hagemeyer. Tur ceramento di caminda lo wordo anuncia despues. □